

BOSNA I HERCEGOVINA - БОСНА И ХЕРЦЕГОВИНА

*Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka*



*Агенција за развој високог образовања
и обезбјеђивање квалитета
Босне и Херцеговине
Бања Лука*

Agency for Development of Higher Education and Quality Assurance of Bosnia and Herzegovina

Broj: 05-33-2-250-18/20

Datum: 22.06.2021. godine

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ br. 59/07 i 59/09) (u daljem tekstu: Okvirni zakon), u postupku akreditacije visokoškolske ustanove **Visoka medicinska škola, Prijedor**, a na osnovu mišljenja Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljem tekstu: Komisija stručnjaka), nadležnom obrazovnom organu, direktor Agencije za razvoj visokog obrazovanja i osiguranje kvaliteta (u daljem tekstu: Agencija) daje:

PREPORUKU

o akreditaciji visokoškolske ustanove **Visoka medicinska škola, Prijedor i studijskog programa:**

- o Zdravstvena njega

O b r a z l o ž e n j e

Dana 09.07.2020. godine Agencija je zaprimila od Agencije za visoko obrazovanje Republike Srpske (ranije HEAARS) (u daljem tekstu: AVORS) Prijedlog za imenovanje komisije stručnjaka za akreditaciju visokoškolske ustanove **Visoka medicinska škola, Prijedor**, broj: 01/1.3.323-3/19 od 08.07.2020.godine, kojim je predložen minimalan broj članova Komisije stručnjaka po svakoj kategoriji. Nakon što je utvrđeno da se predloženi članovi Komisije stručnjaka nalaze na utvrđenoj Listi stručnjaka iz člana 48. alineja 3.) Okvirnog zakona i da je sastav Komisije stručnjaka predložen u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, broj 100/11 i 26/19) (u daljem tekstu: Odluka o normama), u skladu sa članom 49. alineja 4) Okvirnog zakona, Agencija je imenovala Komisiju stručnjaka Rješenjem broj: 05-33-2-250-9/20 od dana 28.10.2020. godine. Agencija je donijela Rješenje o izmjeni rješenja broj 05-33-2-250-11/20 dana 05.01.2021.godine.

Dana 09.06.2021. godine AVORS je ovoj Agenciji dostavila Zahtjev za izdavanje preporuke o akreditaciji za visokoškolsku ustanovu **Visoka medicinska škola, Prijedor** i jedan studijski program. U prilogu Zahtjeva je dostavljena je ovjerena kopija Izvještaja o eksternoj evaluaciji za **Visoka medicinska škola, Prijedor** i jednog studijskog programa.

Uvidom u dostavljene ovjerene kopije Izvještaja Komisije stručnjaka, utvrđeno je sljedeće:

- formalna cjelovitost Izvještaja;
- da su Izvještaji napisani na jednom od službenih jezika u Bosni i Hercegovini, te
- da su u skladu sa Odlukom o normama i Odlukom o kriterijima za akreditaciju visokoškolskih ustanova u BiH Odlukom o kriterijima za akreditaciju studijskih programa prvog i drugog ciklusa studija u BiH .

Komisija za davanje preporuka je nakon individualnog analiziranja dostavljenih Izvještaja Komisije stručnjaka, a u skladu sa zadacima Komisije za davanje preporuka propisanih Instrukcijom o načinu davanja preporuke o akreditaciji visokoškolskih ustanova i studijskih programa i naknadnom izmjenom pomenute Instrukcije (u daljem tekstu: Instrukcija), na sastanku, održanom 22.06.2021.godine, razmijenila stavove i zapažanja, te zaključila da postupi na temelju usmenog dogovora rukovodstva dvije agencije a koji se odnosi na izdavanje preporuke o akreditaciji u skladu sa članom 5 stav 1 Instrukcije, a prema Mišljenju Komisije stručnjaka o ishodu akreditacije za visokoškolsku ustanovu i studijskog programa Visoke medicinske škole, Prijedor.

U skladu s Odlukom o normama, Komisija stručnjaka je ocijenila ispunjenost deset kriterija za akreditaciju visokoškolske ustanove **Visoka medicinska škola, Prijedor** opisnim ocjenama, kako slijedi:

- a) Politika osiguranja kvaliteta: *znatno ispunjen*
- b) Izrada i odobravanje programa: *znatno ispunjen*
- c) Učenje, podučavanje i vrednovanje usmjereni na studenta: *znatno ispunjen*
- d) Upis i napredovanje studenata, priznavanje i certificiranje: *potpuno ispunjen*
- e) Nastavno osoblje: *znatno ispunjen*
- f) Resursi za učenje i podrška studentima: *znatno ispunjen*
- g) Upravljanje informacijama: *znatno ispunjen*
- h) Informisanje javnosti: *znatno ispunjen*
- i) Kontinuirano praćenje i periodična revizija programa: *znatno ispunjen*
- j) Periodično vanjsko osiguranje kvaliteta: *znatno ispunjen*

U skladu s Odlukom o normama, Komisija stručnjaka je ocijenila ispunjenost deset kriterija za akreditaciju studijskog programa **Zdravstvena njega** opisnim ocjenama, kako slijedi:

- a) Politika osiguranja kvaliteta studijskih programa: *znatno ispunjen*
- b) Kreiranje i usvajanje studijskih programa: *znatno ispunjen*
- c) Učenje, podučavanje i vrednovanje usmjereni na studenta: *znatno ispunjen*
- d) Upis i napredovanje studenata, priznavanje i certificiranje: *znatno ispunjen*
- e) Ljudski potencijali: *znatno ispunjen*
- f) Resursi i finansiranje: *znatno ispunjen*
- g) Upravljanje informacijama o studijskim programima: *znatno ispunjen*

- h) Informisanje javnosti o studijskim programima: *znatno ispunjen*
- i) Kontinuirano praćenje, periodična evaluacija i revizija studijskih programa: *potpuno ispunjen*
- j) Mobilnost akademskog osoblja i studenata: *znatno ispunjen*

Komisija stručnjaka je na osnovu ukupne ocjene kvaliteta dala preporuku za akreditaciju studijskog programa:


- o Zdravstvena njega

Visokoškolska ustanova bi trebala po prijemu Rešenja o akreditaciji detaljno analizirati preporuke Komisije stručnjaka i napraviti Akcioni plan u skladu sa propisima nadležne obrazovne vlasti i Odlukom o normama. Akcioni plan treba da obuhvata:

- imenovane odgovorne osobe za pisanje, provođenje i praćenje realizacije Akcionog plana sa jasno definisanim odgovornostima
- vremenski okvir za realizaciju preporuka kao i potrebne finansijske i ljudske resurse
- definisane mjerljive indikatore za praćenje realizacije Akcionog plana.

Uzimajući u obzir sve navedeno, direktor Agencije, na osnovu člana 49. alineja 5) Okvirnog zakona, daje preporuku nadležnoj obrazovnoj vlasti da izda rješenje o akreditaciji visokoškolske ustanove **Visoka medicinska škola, Prijedor i navedenog studijskog programa**, te isto dostavi Agenciji radi postupka ocjene usklađenosti rješenja o akreditaciji s normama i kriterijima iz člana 48., alineja 1) Okvirnog zakona o visokom obrazovanju BiH, a sve u svrhu upisa predmetne visokoškolske ustanove u Državni registar akreditovanih visokoškolskih ustanova u Bosni i Hercegovini.

Direktor


Prof. dr Enes Hašić

Dostaviti:

- Agencija za visoko obrazovanje Republike Srpske
- Visoka zdravstvena škola, Prijedor
- Sektor 05
- a/a

